

# RAPORT VJETOR 2023



Përmbledhje Ekzekutive

Prioritetet e Institucionit për vitin 2024



# PËRMBAJTJA

**03**

RRETH AUTORITETIT

**04**

STATISTIKA

**06**

TREGJET E MONITORUARA

**07**

PROCEDURAT HETIMORE

**10**

PËRQENDRIME

**11**

AK PËRBALLË PROCESEVE  
GJYGJËSORE

**12**

INTEGRIMI EVROPIAN

**14**

BASHKËPUNIMI  
NDËRKOMBËTAR

**16**

KAPACITETE NJERËZORE

**17**

PRIORITETET 2024



# RRETH AUTORITETIT

Autoriteti i Konkurrencës është një organ publik i pavarur në kryerjen e detyrave të veta.

Bazohet në ligjin nr.9121 datë 28.07.2003 “Për Mbrojtjen e Konkurrencës”.  
Qëllimi i ligjit është mbrojtja e konkurrencës së lirë dhe efektive në treg, di një e mirë publike.

44

Punonjës

5

Komisionerë

MISIONI

HETIMI I SJELLJEVE  
ANTIKONKURRUESE

KONTREOLLI I  
PËRQENDRIMEVE

ADVOKACIA

46,264,859 Lekë

Të ardhura të arkëtuara nga gjokat

15,526,524 Lekë

Të ardhura të arkëtuara nga  
procedurat e përqendrimeve




30,738,335 Lekë

99,861,270 Lekë

Buxheti për vitin 2023

	0	(1,000)	0	(186)
stock issued	208	660	544	837
stock repurchased	(1,042)	(5,052)	(2,976)	(9,451)
stock cash dividends paid	(1,683)	(1,363)	(3,024)	(2,481)
used in financing	(2,513)	(6,751)	(5,382)	(7,390)
property and equipment	(498)	(491)	(934)	(1,055)
panies, net of				
purchases of				
assets	(8,627)	(69)	(9,502)	(69)
ts	(10,047)	(5,896)	(21,346)	(13,313)
	6,061	1,836	8,886	2,700
	7,835	2,603	15,371	4,000
	(292)	447	(358)	1
	(5,568)	(1,570)	(7,883)	
	\$ 10,610	\$ 4,023	\$ 10,610	

# STATISTIKA





Transaksione në tregun e brendshëm

11



Transaksione në tregun e jashtëm

43

## 54 Autorizime përqendrimi

## GJOBA

Janë vendosur 5 gjoba për shkelje të nenit 73, në vlerën totale 22.514.566 Lekë



## 15 Tregje të monitoruara gjatë vitit 2023

# TREGJET E MONITORUARA

AK, gjatë vitit 2023, në zbatim të nenit 28 dhe 29/1 të ligjit nr. 9121/2003, ka vlerësuar në total 45 ankesa, nga të cilat 35 ankesa kanë qenë jashtë objektit të ligjit nr. 9121/2003 dhe 10 prej tyre kanë kaluar në procedura monitorimi/hetimi.

15 (pesëmbëdhjetë) monitorime:



TREGU I PRODHIMIT,  
GRUMBULLIMIT DHE  
SHITJES SË GRURIT  
VENDAS

TREGU I TREGTIMIT TË  
PRODUKTEVE  
USHQIMORE ORIZ DHE  
SHEQER



TREGU I PROKURIMIT  
PUBLIK TË  
SHËRBIMEVE TË  
DEZINFEKTIMIT

TREGU I TRANSPORTIT  
NDËRKOMBËTAR DETAR TË  
UDHËTAREVE DHE MJETEVE PËR  
ITINERARIN SARANDË-KORFUZ-  
SARANDË



TREGU I SHËRBIMIT  
TAKSI PËR UDHËTARË  
NGA DHE DREJT  
AEROPORTIT  
NDËRKOMBËTAR TË  
TIRANËS

TREGU I AKSESIT TË  
SHËRBIMIT TË  
INTERNETIT NË  
REZIDENCAT E  
BANIMIT TË QARKUT  
TË TIRANËS



TREGU I PLEHRAVE  
KIMIKE: DAP, NITRAT  
URE

TREGU I SIGURIMEVE  
PËR PRODUKTIN  
KARTONI JESHIL



TREGU I SIGURIMEVE PËR  
PRODUKTIN TPL

TREGU I MENAXHIMIT  
TË FACILITETEVE TË  
PARKIMIT TË TIRANA  
INTERNATIONAL  
AIRPORT



TREGU I SHËRBIMIT TË  
PËRGATITJES DHE  
PAJISJES ME LEJE  
DREJTIMI

TREGU I  
SHËRBIMEVE  
CELULARE



TREGU I TREGTIMIT TË  
KARBURANTEVE

TREGU I  
SHËRBIMIT  
SPITALOR



TREGU I SHËRBIMIT TË ADMINISTRIMIT DHE MIRËMBAJTJES SË  
ASHENSORËVE PRANË REZIDENCAVE TË BANIMIT TË QARKUT TË  
TIRANËS



# Procedura HETIMORE

## 8 (tetë) procedura hetimore:

### 4 (katër) për marrëveshje të ndaluara:

Tregu i prodhimit/ importit dhe shitjes me shumice të çimentos.

Tregu i prodhimit dhe tregtimit të betonit në qarkun e Tiranës, Durrësit dhe Elbasanit.

Tregu i importit, prodhimit dhe tregtimit me shumicë të vajit vegjetal.

Tregu i prokurimeve publike.



### 4 (katër) për abuzim me pozitën dominuese:



Tregu i prodhimit, transmetimit dhe shitjes në mënyrë dixhitale të produkteve audio dhe video, tek operatorët kabllorë (ripërtëritësit e programeve mbështetur në rrjet kabllor) ndaj ndërmarrjes Digitalb SHA.



Tregu i prodhimit dhe tregtimit me shumicë të nënprodukteve të qumështit.



Tregu i aksesit të shërbimit të internetit në rezidencat e banimit të qarkut të Tiranës.



Tregu i shërbimit taksi për udhëtarë nga dhe drejt aeroportit ndërkombëtar të Tiranës.





# Procedura HETIMORE

Marrëveshje të ndaluara



## Tregu i prodhimit/ importit dhe shitjes me shumicë të çimentos

Në përfundim të analizës së realizuar gjatë periudhës së hetimit paraprak i cili u hap me vendimin nr. 895, datë 05.07.2022, u konstatuan elementë të cilët mund të përbëjnë shkelje të konkurrencës në kuptim të nenit 4 dhe 9 të ligjit nr. 9121/2003, për këto arsye, KK me vendimin nr. 969, datë 24.03.2023 "Për hapjen e procedurës së hetimit të thelluar në tregun e prodhimit dhe shitjes me shumicë të çimentos gri dhe të bardhë", vendosi hapjen e procedurës së hetimit të thelluar në tregun e prodhimit dhe shitjes me shumicë të çimentos gri dhe të bardhë për periudhën kohore nga 1 Janari 2019 deri në 31 Mars 2023.

## Tregu i prodhimit dhe tregtimit të betonit në qarkun e Tiranës, Durrësit dhe Elbasanit

Në përfundim të analizës së realizuar gjatë periudhës së hetimit paraprak i cili u hap me vendimin nr. 913, datë 06.10.2022, "Për hapjen e procedurës së hetimit paraprak në tregun e prodhimit dhe tregtimit të betonit në qarkun e Tiranës, Durrësit dhe Elbasanit", u konstatua se: Pjesët e tregut të ndërmarrjeve janë të ndryshueshme nga viti në vit, pra nuk vërehet qëndrueshmëri në pjesët e tregut sipas sasisë dhe ka hyrje të reja në treg, duke zotëruar pjesë të konsiderueshme tregu për një periudhë të shkurtër si dhe çmimet mesatare mujore të e aplikuar nga ndërmarrjet për produktin beton, për të gjitha markat janë të ndryshme nga njëra-tjetra dhe ritmi i ndryshimit të tyre është i ndryshëm, duke mos vërejtur shenja të caktimit të çmimeve apo koordinimit të tyre në ritmin e rritjes apo të zbritjes në kuptim të nenit 4 dhe 9 të ligjit nr.9121/2003.

Për këto arsye, KK me vendimin nr. 976, datë 14.04.2023 "Për mbylljen e procedurës së hetimit paraprak në tregun e prodhimit dhe tregtimit të betonit në qarkun e Tiranës, Durrësit dhe Elbasanit", vendosi mbylljen e këtij hetimi.

## Tregu i importit, prodhimit dhe tregtimit me shumicë të vajit vegjetal

Gjatë procedurës së hetimit të thelluar u konstua se ndërmarrjet objekt hetimi nuk kanë aplikuar cmime të njëjta të shitjes me shumicë të vajit vegjetal, nuk kanë ndryshuar në të njëjtën masë dhe në të njëjtën kohë cmimet e shitjes dhe për këto arsye KK, me vendimin nr. 975, datë 14.04.2023 "Për mbylljen e procedurës së hetimit të thelluar ndaj ndërmarrjeve AGRO BLEND SHPK, BOMIRA SHPK, DEVI 20 - GRUP SHPK, EQEREM-934 SHPK, FERRA & CO SHPK, GLOBCOM SHPK, KRIKET-1 SHPK, TEUTA DURRES SHPK DHE PDF SHPK në tregun e importit, prodhimit dhe shitjes me shumicë të vajit vegjetal", vendosi për mbylljen e procedurës së hetimit të thelluar ndaj ndërmarrjeve AGRO BLEND SHPK, BOMIRA SHPK, DEVI 20 - GRUP SHPK, EQEREM-934 SHPK, FERRA & CO SHPK, GLOBCOM SHPK, KRIKET-1 SHPK, TEUTA DURRES SHPK DHE PDF SHPK në këtë treg.



## Tregu i prokurimeve publike

Nga vlerësimi i informacionit të paraqitur nga KPP, u ngriten dyshime të arsyeshme se mes ndërmarrjeve pjesëmarrëse në procedurat e prokurimit të pajisjeve, instrumenteve, veglave elektrike dhe dixhitale të zhvilluara nga Autoriteti Kontraktor, Albanian Gas Services Company SHA, se ka elementë të një sjelljeje antikonkurrense, e cila mund të përbëjë kufizim, shtrembërim apo pengim të konkurrencës në kuptim të nenit 4, pika 1, të ligjit nr. 9121/2003. Për sa më sipër, KK me vendimin nr. 1000, datë 17. 07.2023 "Për hapjen e procedurës së hetimit paraprak në tregun e prokurimit publik ndaj ndërmarrjeve Raimondo G.P SHPK dhe Li.Bo - Albania Branch SHPK", vendosi hapjen e procedurës së hetimit paraprak në këtë treg. Në përfundim të procedurës së hetimit paraprak, KK vlerësoi se bazuar në nenin 4, pika 1, të Ligjit nr. 9121/2003, sjellja e ndërmarrjeve hedh dyshime për kufizime të mundshme të konkurrencës nëpërmjet një marrëveshjeje të dyshimtë në oferta midis tyre. Për këto arsye, KK me vendimin nr. 1026, datë 26.10.2023 vendosi hapjen e procedurës së hetimit të thelluar në tregun e prokurimit publik ndaj ndërmarrjeve Raimondo G.P SHPK dhe Li.Bo - Albania Branch SHPK.





## Tregu i prodhimit, transmetimit dhe shitjes në mënyrë dixhitale të produkteve audio dhe video, tek operatorët kabllorë (ripërtëritësit e programeve mbështetur në rrjet kabllor) ndaj ndërmarrjes Digitalb SHA.

KK, me vendimin nr. 940, datë 27.12.2022 vendosi hapjen e procedurës së hetimit paraprak ndaj ndërmarrjes Digitalb SHA për periudhën kohore nga 1 Janar 2020 deri në 31 Dhjetor 2022, për të parë nëse ka shkelje të nenit 4 dhe 9, të ligjit nr.9121/2003 “Për mbrojtjen e konkurrencës”. KK, me vendimin nr.1014, datë 21.09.2023 “Për mbylljen e procedurës së hetimit paraprak në tregun e prodhimit, transmetimit dhe shitjes në mënyrë dixhitale të produkteve audio dhe video, tek operatorët kabllorë (ripërtëritësit e programeve mbështetur në rrjet kabllor) ndaj ndërmarrjes Digitalb SHA, vendosi mbylljen e këtij hetimi si dhe detyrimin e të gjithë operatorëve OSHMA audiovizive, si operatorë me pozitë dominuese, që t’ju japin të drejtën e ritransmetimit të programeve të tyre të gjithë operatorëve të interesuar, në cdo segment tregu.

## Tregu i prodhimit dhe tregtimit me shumicë të nënprodukteve të qumështit

KK, me vendimin nr. 961, datë 28.02.2023 “Për hapjen e procedurës së hetimit paraprak në tregun e prodhimit dhe tregtimit me shumicë të nënprodukteve të qumështit” vendosi hapjen e procedurës së hetimit paraprak në këtë treg për periudhën janar 2021 – shtator 2022. Përpara vendimarrjes KK realizoi një takim me përfaqësues të MZHBR dhe AKU për problematikat e konstatuara në këtë treg.

Referuar analizës së tregut të prodhimit dhe shitjes me shumicë të nënprodukteve të qumështit, rezultoi se sjellja e ndërmarrjeve me pjesë të konsiderueshme tregu, Erzeni SHPK, Gjiofarma SHA, ADG SHPK (Lufra), SHAKA Boboshticë SHPK, mund të përbëjë abuzim me pozitë dominuese sipas nenit 9 të ligjit nr. 9121/2003.

Për këto arsye, KK me vendimin nr. 1045, datë 29.12.2023 “Për hapjen e procedurës së Hetimit të thelluar ndaj ndërmarrjeve ndaj ndërmarrjeve Erzeni SHPK, Gjiofarma SHA, ADG SHPK (Lufra), SHAKA Boboshticë SHPK në tregun e prodhimit dhe tregtimit me shumicë të nënprodukteve të qumështit” vendosi hapjen e hetimit të thelluar në këtë treg. Hetimi do të përfshijë periudhën 1 janar 2022- 31 dhjetor 2023.

## Tregu i aksesit të shërbimit të internetit në rezidencat e banimit të qarkut të Tiranës

Nisur nga disa ankesa të depozituara pranë AK, mbi problematikat në zgjedhjen e ofrimit të shërbimit të internetit pranë disa komplekseve të pallateve Tiranë, bazuar në nenin 28, germa (a), të ligjit nr. 9121/2003, AK realizoi monitorimin pranë disa komplekseve të pallateve në Tiranë.

Mbështetur në gjëtyjet e monitorimit, KK me vendimin nr. 1025, datë 13.10.2023 “Për hapjen e procedurës së hetimit paraprak ndaj ndërmarrjeve të administrimit në rezidencat e banimit të qarkut të Tiranës në tregun e aksesit të shërbimit të internetit, vendosi për hapjen e procedurës së hetimit paraprak në këtë treg. Hetimi përfshin periudhën kohore nga 01.01.2020 deri në 13.10.2023, dhe është në proces.

## Tregu i shërbimit taksi për udhëtarë nga dhe drejt aeroportit ndërkombëtar të Tiranës

Sekretariati i AK bazuar në nenin 28, germa (a), të ligjit nr. 9121/2003, ka monitoruar tregun e shërbimit taksi për udhëtarë nga dhe drejt Aeroportit Ndërkombëtar të Tiranës.

Nga vlerësimi i informacionit gjatë monitorimit të tregut të shërbimit taksi për udhëtarë nga dhe drejt Aeroportit Ndërkombëtar të Tiranës, u konstatua se, në zonën e jashtme të mbërritjeve (ose ndryshe zona Kiss&Fly) e Aeroportit Ndërkombëtar të Tiranës, nëpërmjet një table me shkrimin “Ndalohet taksi pa pasagjerë”, nuk lejohet aksesimi nga ndërmarrje të tjera të ofrojnë shërbimin e taksive për udhëtarë nga aeroporti drejt Tiranës të cilët nuk kanë pasagjerë brenda. Ky akses lejohet vetëm për taksitë e ndërmarrjes Auto Holiday Albania, duke çuar në dyshimet se mund të jemi para shkeljes së nenit 9 të ligjit nr. 9121/2003. KK me vendimin nr. 984, datë 11.05.2023, vendosi hapjen e procedurës së hetimit paraprak në këtë treg.

KK me vendimin nr. 987, datë 24.05.2023 vendosi marrjen e masës së përkohshme ndaj ndërmarrjes Tirana International Airport SHPK në tregun e shërbimit taksi për udhëtarë nga dhe drejt Aeroportit Ndërkombëtar të Tiranës. Gjithashtu lejimin e aksesit pa kushte për të gjithë ndërmarrjet që ofrojnë shërbimin taksi nga dhe drejt Aeroportit Ndërkombëtar të Tiranës dhe të heqë tabelën me shkrimin “Ndalohet taksi pa pasagjerë”, e cila ndalon dhënien e këtij shërbimi në shkelje të ligjit nr. 9121/2003.

Në përfundim të procedurës së hetimit paraprak, KK me vendimin nr. 1013, datë 13.09.2023 vendosi për hapjen e procedurës së hetimit të thelluar ndaj ndërmarrjes Tirana International Airport SHPK dhe ndërmarrjes Auto Holiday Albania SHPK në tregun e shërbimit taksi për udhëtarë nga dhe drejt Aeroportit Ndërkombëtar të Tiranës.





# KONTROLI I PËRQENDRIMEVE

Komisioni i Konkurrencës me Vendimin nr. 1044, datë 29.12.2023, vendosi të autorizojë përqendrimin të realizuar nëpërmjet përftimit të kontrollit të përbashkët të shoqërisë FIER Thermolectric SHA nga shoqëritë DEPA Commercial S.A., GEK TERNA S.A. dhe GENER 2 SHPK.

Komisioni i Konkurrencës me Vendimin nr. 1010, datë 29.08.2023, vendosi të autorizojë përqendrimin e realizuar nëpërmjet përftimit të kontrollit të shoqërisë DELGI SHPK nga shoqëria SAINT-GOBAIN CONSTRUCTION PRODUCTS ALBANIA SHPK.


Komisioni i Konkurrencës me Vendimin nr. 992, datë 08.06.2023 vendosi të autorizojë përqendrimin e realizuar nëpërmjet bashkimit me përthithje të shoqërisë GEGA OIL SHA nga shoqëria GENKLAUDIS SHA

Komisioni i Konkurrencës me Vendimin nr. 971, datë 07.04.2023, vendosi të autorizojë përqendrimin e realizuar nëpërmjet krijimit të një ndërmarrje të përbashkët, me funksione të plota, nga shoqëritë Eagle Hills Real Estate Development SHPK dhe Albanian Seaports Development Company SHA.



**Kontrolli i përqendrimeve, në zbatim të neneve 10 dhe 12 të ligjit nr. 9121/2003, është realizuar nëpërmjet vlerësimit të 54 rasteve të autorizuara nga Komisioni i Konkurrencës dhe 22 raste të njoftuara të cilat nuk kanë përmbushur kriteret e ligjit për t'u autorizuar nga KK.**

Tregjet më të prekura nga transaksionet kanë qenë tregu i prodhimit të energjisë elektrike, tregu i pajisjeve elektronike dhe software, tregu i tregtimit me shumicë dhe pakicë (produkte ushqimore, bujqësore, industriale, plehra kimike, etj), etj. Ndërkohë në tregun e brendshëm, transaksionet e autorizuara kanë prekur tregun farmaceutik dhe tregun e ndërtimit.





# PROCESET GJYQJËSORE

**Pranë Gjykatës Administrative të Shkallës së Parë Tiranë, gjatë vitit 2023 AK ka patur në shqyrtim 12 çështje, ku janë rrëzuar 4 (katër) kërkesë padi, pranuar 2 (dy) kërkesë padi dhe janë në proces 6 (gjashtë) kërkesë padi.**

**Ndër më të rëndësishmet mund të përmendim:**

Çështja gjyqësore me palë paditëse ndërmarrjen “Star Parking Albania” SHPK dhe të paditur AK, me objekt: Pavlefshmëria absolute e VKK nr.921, datë 09.11.2022 “Për mbylljen e procedurës së hetimit të thelluar në tregun e menaxhimit të faciliteteve të parkimit të aeroportit “NËNË TEREZA” (Tirana International Airport) dhe miratimin e angazhimeve si të detyrueshme në formën e kushteve dhe detyrimeve për ndërmarrjen Star Parking Albania SHPK”.



Çështja gjyqësore me palë paditëse ndërmarrjen “Atlas Mills” ShPK dhe të paditur AK, me objekt: Shfuqizimi i VKK nr.935, datë 16.12.2022 “Për vendosje gjobe ndaj ndërmarrjeve AgroBlend SHPK, Miell Tirana SHA, Bloja SHA dhe Atlas Mills SHPK për moszbatimin e detyrimeve të përcaktuara me VKK nr. 839, datë 29.09.2021” për pjesën e shoqërisë “Atlas Mills” SHPK.



Çështja gjyqësore me palë paditëse ndërmarrjen “AgroBlend” ShPK dhe të paditur AK, me objekt: Shfuqizimi i VKK nr.935, datë 16.12.2022 “Për vendosje gjobe ndaj ndërmarrjeve AgroBlend SHPK, Miell Tirana SHA, Bloja SHA dhe Atlas Mills SHPK për moszbatimin e detyrimeve të përcaktuara me VKK nr. 839, datë 29.09.2021” për pjesën e shoqërisë “Agro Blend” SHPK.



Procesi i integrimit evropian përbën një nga prioritetet e veprimtarisë së AK. Si një institucion lider dhe koordinator për kapitullin e tetë, "Politika e konkurrencës", AK jep kontributin e tij në kuadër të Planit Kombëtar për Integrimin Evropian (PKIE), raporton në mënyrë periodike pranë Kryenegociatorit, për "Tregun e brendshëm dhe konkurrencën", si dhe jep kontributin e tij për Progres Raportin.

Në përputhje me Planin Kombëtar për Integrimin Evropian 2023 - 2025, Autoriteti i Konkurrencës ka përbushur 100% këtë plan, duke miratuar brenda afateve kohore të përcaktuara, aktet nënligjore të parashikuara, në përputhje të plotë me legjislacionin evropian në fushën e konkurrencës.

Në kuadër të procesit të integrimit Evropian të vendit, në datat 6, 7 dhe 8 Mars 2023, u zhvillua në Bruksel, takimi "Bilateral Screening", në të cilin Autoriteti i Konkurrencës (AK) - si lider dhe koordinator i Kapitullit 8 "Politika e Konkurrencës", u përfaqësua nga Kryetari i AK, Z. Denar Biba dhe përfaqësues të tjerë të institucionit. Nga institucionet e tjera pjesë të këtij kapitullin, morën pjesë, përfaqësues nga Ndihma Shtetërore, Autoriteti i Komunikimeve Elektronike dhe Postare (AKEP), Ministria e Bujqësisë, Ministria e Shëndetësisë, Ministria e Kulturës dhe online përfaqësues nga Autoriteti i Aviacionit Civil. Gjatë tre ditëve tepër intensive, takimi pati në fokus prezantimet e përfaqësuesve të AK, për Kuadrin Ligjor dhe Institucional të Kapitullit të 8 "Politika e Konkurrencës"; Rregullat Antitrust - Marrëveshjet e Ndaluar, Pozita Dominuese; Kontrolli i Përqendrimeve dhe prezantim i rasteve konkrete të zbatimit të Ligjit nr.9121/2003 "Për mbrojtjen Konkurrencës".

Drejtuesit e takimit, pjesë e Komisionit European, paraqitën një sërë pyetjesh të cilat morën përgjigje konkrete nga përfaqësuesit e AK, duke u vlerësuar nga drejtuesit si një përfaqësim tepër korrekt dhe profesional.



**Nënkomiteti "Tregu i Brendshëm dhe Konkurrueshmëria përfshirë Mbrojtja e Konsumatorit dhe Shëndetit"**



Takimi i 14-të i Nën Komitetit të Stabilizim-Asocimit Bashkimi Evropian - Shqipëri "Tregu i Brendshëm dhe Konkurrueshmëria përfshirë Mbrojtja e Konsumatorit dhe Shëndetit", u zhvillua në 30 maj 2023 në Tiranë. AK paraqiti një raport të hollësishëm të aktivitetit të institucionit, lidhur me procesin e përafrimit të legjislacionit dhe nismat e parashikuara në të ardhmen, aktivitetet zbatuese dhe implementimin e ligjit si dhe lidhur me rritjen dhe forcimin e kapaciteteve institucionale. Përfaqësuesit e BE-së vlerësuan ndërhyrjet në treg nëpërmjet rasteve hetimore dhe vendimmarrjen e KK, rekomandimet e dhëna për institucionet qendrore e ato rregulatore, si dhe procesin e përafrimit dhe plotësimit të legjislacionit.

AK gjatë këtij viti ka përfunduar dokumentin e pasaportës për Kapitullin 8. Ku është pasqyruar e gjithë informacioni thelbësor për këtë kapitull.





# AKTE NËNLIJTORE

Në përputhje me Planin Kombëtare për Integrimin Evropian 2023 - 2025, Autoriteti i Konkurrencës ka përmbushur 100% këtë plan, duke miratuar brenda afateve kohore të përcaktuara, aktet nënligjore të parashikuara, në përputhje të plotë me legjislacionin evropian në fushën e konkurrencës.



KK, me vendimin nr. 990, datë 08.06.2023, ka miratuar Udhëzuesin "Mbi udhëzimet jozyrtare për sa i përket çështjeve të reja ose të pazgjdhura në lidhje me nenet 4 dhe 9 të Ligjit nr. 9121/2003 "Për mbrojtjen e konkurrencës" për raste individuale", në përputhje me Njoftimin e Komisionit mbi udhëzimet jozyrtare për sa i përket çështjeve të reja ose të pazgjdhura në lidhje me nenet 101 dhe 102 të Traktatit për Funksonimin e Bashkimit Evropian për raste individuale (letra udhëzuese) (C (2022) 6925 final).



KK, me vendimin nr. 1043, datë 29.12.2023, ka miratuar "Manuali i procedurave për sjelljet antikonkurrese", në përputhje me Manualin e Procedurave të sjelljeve anti-konkurrese (Dokument i Komisionit Evropian, Nëntor 2019).



KK, me vendimin nr. 1040 datë 22.12.2023, ka miratuar Udhëzuesin "Mbi praktikat më të mira për zbulimin e informacionit në bazat e të dhënave, gjatë procedurave hetimore dhe të kontrollit të përqendrimeve të parashikuara në ligjin nr. 9121, datë 28.07.2023 "Për mbrojtjen e konkurrencës", në përputhje me Praktikën më të mira për zbulimin e informacioneve në procedurat sipas neneve 101 dhe 102 të TFEU dhe sipas Rregullores së Përqendrimeve (2 Qershor 2015/Dokument i Komisionit Evropian).

## MARRËVESHJE BASHKËPUNIMI



Në datën 24 nëntor 2023, në ditën e dytë të Konferencës Ndërkombëtare me temë "20-vjetori i ligjit "Për mbrojtjen e konkurrencës" në Shqipëri: Pavarësia dhe roli i autoritetit në reformën rregullatore, zbatimi i ligjit, advokacia dhe sfidat drejt Integritimit në Bashkimin Evropian", u nënshkrua Memorandumi i Mirëkuptimit ndërmjet Autoritetit Shqiptar të Konkurrencës dhe Komisionit të Mbrojtjes së Konkurrencës të Armenisë. Nënshkrimi i këtij memorandumi synon vendosjen e urave të reja të komunikimit dhe forcimin e marrëdhënieve të bashkëpunimit ndërmjet dy vendeve në fushën e politikës së konkurrencës.

20 vjetori i Ligjit “Për mbrojtjen e konkurrencës”

## KONFERENCA NDËRKOMBËTARE



Ngjarja me e rëndësishme e vitit 2023 ishte Konferenca Ndërkombëtare me temë “20-vjetori i ligjit “Për mbrojtjen e konkurrencës” në Shqipëri: Pavarësia dhe roli i autoritetit në reformën rregullatore, zbatimimi i ligjit, advokacia dhe sfidat drejt Integritimit në Bashkimin Evropian”, e cila u zhvillua në datat 23 dhe 24 nëntor 2023. Kjo konferencë mbledhi së bashku ekspertë të autoriteteve homologe nga rajoni dhe Evropa; përfaqësues nga pushteti legjislativ, ekzekutiv dhe gjyqësor; organet rregullatore, përfaqësues nga dhomat e tregtisë, si dhe pjesëmarrës nga bota akademike dhe e biznesit.

Konferenca u përshendet nga Kryetari i Autoritetit të Konkurrencës, Z. Denar Biba; Kryetari i Komisionit të Ekonomisë dhe Financave, Z. Eduard Shalësi; Guvernatori i Bankës së Shqipërisë, Z. Gent Sejko; Përfaqësuesi i UNDP në Shqipëri, Z. Francisco Roquette dhe Zëvendës Ambasadori i Gjermanisë në Shqipëri, Z Thilo Schroeder.

Gjithashtu u zhvilluan diskutime në panele me tema si pavarësia e institucionit dhe roli i tij në reformën rregullatore, sfidat drejt integritimit në Bashkimin Evropian, bashkëpunimi ndërkombëtar dhe zbatimimi i ligjit të konkurrencës: antitrust dhe përqendrim.



### AKTIVITETE BRENDA VENDIT

19 dhjetor 2023, u zhvillua takimi me përfaqësues nga Shoqata Biznesi dhe Dhoma Tregtie me temë “Korniza legjislative/ligjore për mbrojtjen e konkurrencës dhe nevoja për një rol më aktiv të Autoritetit të Konkurrencës në fushën e biznesit”.

Në datën 22 shtator 2023, u zhvillua në Bashkinë Berat Workshop-in me temë “Për rritjen e kulturës së konkurrencës dhe forcimin e bashkëpunimit me biznesin në procedurat e prokurimit publik në kuptim të Ligjit nr. 9121, datë 28.07.2003 “Për mbrojtjen e konkurrencës””.

Në datën 14 dhjetor 2023, në ambientet e Fakultetit të Drejtësisë, u zhvillua Workshop-in me temë “Promovimi i mëtejshëm i kulturës së konkurrencës me botën akademike” në bashkëpunim me Universitetin e Tiranës.

Në datën 6 qershor 2023 u zhvillua Workshop-in me Shoqatën “Bashkimi Tregtar i Shqipërisë” me temë “Marrëveshjet në Oferta në Proçedurat e Prokurimit Publik në Kuptim të Ligjit nr. 9121, datë 28.07.2003 “Për mbrojtjen e konkurrencës”.





# Bashkëpunimi Ndërkombëtar

Gjatë veprimtarisë së vitit 2023, AK ka synuar forcimin e marrëdhënieve ndërkombëtare me institucionet homologe, forumet dhe qendrat e trajnimeve të konkurrencës në rajon e më gjerë. Stafi i AK është trajnuar në kuadër të bashkëpunimit me organizatat, si më poshtë vijon:

Në kuadër të bashkëpunimit me RCC, ICN, OECD, KE, ABA, Instituti Joint Vienna, Sekretariati i Energjisë, ÖBT, CRESSE dhe Autoritete homologe, punonjës së AK kanë marrë pjesë në 18 aktivitete jashtë kufijëve:

6 Seminare

5 Konferenca

2 Forume

2 Workshop - e

3 Trajnime - Shkollë verore



International  
Competition  
Network



Regional Centre for Competition in Budapest (Hungary)



OECD



AMERICAN BAR ASSOCIATION



Energy Community



Competition & Regulation European  
Summer School and Conference



European  
Commission

Joint Vienna Institute








# KAPACITETE NJERËZORE

Për vitin 2023, Autoriteti i Konkurrencës, në funksion të përmbushjes së detyrimeve në zbatim të ligjit nr. 9121/2003, ka pasur si objektiv strategjik të tij, për t'u afruar sa më shumë me modelin institucional të institucioneve homologe të vendeve të BE. Autoriteti i Konkurrencës është i organizuar nga një numër prej 49 punonjësish, sipas strukturës së miratuar me Vendimin e Kuvendit të Republikës së Shqipërisë nr. 42/2023 “Për miratimin e disa shtesave dhe ndryshimeve në Vendimin e Kuvendit nr. 43/2017 “Për miratimin e strukturës dhe organikës të Autoritetit të Konkurrencës”.

Për sa më sipër, AK ka kërkuar dhe është miratuar nga Kuvendi i Republikës së Shqipërisë një shtesë prej 3 (tre) inspektorësh, për shkak të shtimit të numrit të hetimeve (paraprake dhe të thelluara), monitorimeve në terren dhe nevojës për të patur ekspertë të dedikuar për integrimin në BE, për të mbuluar aktivitetin në rritje, për të gjitha tregjet në territorin e RSH, me qëllim plotësimin e nevojave të konsumatorit shqiptar, nëpërmjet një konkurrence të lirë dhe efektive si në tregjet prodhuese dhe ato të shërbimit. Rritja e numrit të punonjësve do të sigurojë që analizat, studimet, inspektimet dhe gjithë procedurat hetimore të kryhen më shpejt.

Gjatë vitit 2023, në kuadër të plotësimit të nevojave të drejtorive teknike janë realizuar 5 procedura rekrutimi me ngritje në detyrë dhe pranim në shërbimin civil. Të gjitha procedurat janë realizuar konform kërkesave të ligjit nr. 152/2013 “Për nëpunësin civil”.

Gjatë vitit 2023 janë realizuar 18 trajnime jashtë vendit dhe webinarë informuese nga ASPA. Është trajnuar pothuaj i gjithë stafi teknik i institucionit, ku një pjesë e punonjësve rezulton të jenë trajnuar më shumë se një herë. Të gjitha trajnimet jashtë vendit janë realizuar në kuadër të bashkëpunimit ndërkombëtar të AK me ICN, RCC, OECD, KE, ABA, Instituti Joint Vienna, Sekretariati i Energjisë, OBT, CREESE dhe ato brenda vendit nga Shkolla e Administratës Publike (ASPA).





# PRIORITETET E AK PËR VITIN 2024

Autoriteti i Konkurrencës, në përputhje me qëllimin e ligjit nr. 9121/2003, për një konkurrencë të lirë dhe efektive në treg, do të vazhdojë monitorimet, hetimet dhe analizat në tregjet sensitive dhe me impakt të drejtpërdrejtë në mirëqenien e konsumatorit shqiptar, si:

- Tregu i telefonisë celulare.
- Tregu i materialeve të ndertimit, cimento.
- Tregu i ofrimit të shërbimit taksi nga dhe drejt Aeroportit “Nënë Tereza”.
- Tregu i prokurimeve.
- Tregu i administrimit dhe mirëmbajtjes së ashensorëve pranë rezidencave të banimit të qarkut të Tiranës.
- Tregu i prodhimit të qumështit dhe nënproduktet e tij.
- Tregu i grumbullimit të produkteve bujqësore.

Autoriteti i Konkurrencës do të vlerësojë rast pas rasti sjelljen e ndërmarrjeve të cilat gëzojnë pozitë dominuese nëpërmjet marrëveshjeve koncesionare.

## PËRAFRIMI INSTITUCIONAL ME STANDARDET DHE PRAKTIKAT E BE

Disa nga prioritetet e PKIE 2023 - 2025 në fushën e konkurrencës janë hartimi i disa udhëzimeve për te plotësuar kuadrin ligjor detyësor dhe konkretisht:

- Në tremujorin e tretë të vitit 2024 është parashikuar miratimi nga ana e Autoritetit të Konkurrencës i aktit ‘Udhëzim "Mbi referimin e rasteve në lidhje me përqëndrimet”’, në përputhje me aktin e acquis ‘Njoftim i Komisionit për referimin e rasteve në lidhje me përqëndrimet (2005/C 56/02)’.
- Në tremujorin e katërt të vitit 2024 është parashikuar miratimi nga ana e Autoritetit të Konkurrencës i aktit ‘Udhëzim "Mbi marrëveshjet kolektive në lidhje me kushtet e punës së të vetëpunësuarve’, në përputhje me aktin e acquis ‘Udhëzim për zbatimin e të drejtës së BE-së për konkurrencën mbi marrëveshjet kolektive në lidhje me kushtet e punës së të vetëpunësuarve 2022/C 374/02’.
- Forcimin e kapaciteteve administrative, nëpërmjet trajnimit të stafit të ri dhe ekzistues me qëllim rritjen e cilësisë së monitorimit, inspektimit, hartimit të raporteve, analizave, mbrojtjes së vendimeve të KK në proceset gjyqësore, në të gjitha shkallët e gjyqësorit.
- Adresimin në mënyrë të përshtatshme dhe domethënëse të çështjeve sensitive (trajtimi i ankesave), si dhe bashkëpunimin me institucionet e administratës qendrore dhe vendore, entet dhe institucionet e tjera rregullatore për rregullimin e veprimtarisë ekonomike në territorin e RSH për të siguruar një konkurrencë efektive në treg.
- Angazhohet në rritjen e bashkëpunimit me institucionet homologe dhe ente rregullatorë, duke nënshkruar me to edhe memorandume mirëkuptimi (MOU).
- Autoriteti i Konkurrencës do të jetë përfitues i një projekti me Bankën Evropiane për Rindërtim dhe Zhvillim (BERZH), për asistencë teknike dhe suport për zbatimin e strategjisë së advokacisë.



# SI TË NA KONTAKTONI?



+35542234504



competition@caa.gov.al



www.caa.gov.al




Skano këtu



Na ndiqni gjithashtu për tu njohur me përditësimet e fundit në:




**Autoriteti i Konkurrencës**





AUTORITETI I  
KONKURENCËS



**bashkëpunimi  
gjerman**

DEUTSCHE ZUSAMMENARBEIT

Implemented by

**giz** Deutsche Gesellschaft  
für Internationale  
Zusammenarbeit (GIZ) GmbH

*Ky publikim është realizuar me mbështetjen e Projektit “Mbështetje për negocjatat e anëtarësimit për kapitujt ekonomik të Acquis (SANECA II)”, financuar nga Qeveria Gjermane dhe zbatuar nga GIZ Shqipëri.*